



RESOLUCIÓN SOBRE ACTUACIÓN QUE AFECTA AO CONTORNO DE PROTECCIÓN DE BENS INCLUIDOS NO CATÁLOGO DO PATRIMONIO CULTURAL DE GALICIA

EXPEDIENTE Nº: 06-54
PROMOTOR: SERVIZO DE MONTES DE OURENSE. CONSELLERÍA DE MEDIO RURAL
MONTE COMUNAL MONTE GRANDE II (BANDE)
ASUNTO ALLEAMENTO DE MADEIRA NO MONTE GRANDE II

ANTECEDENTES

- 1 21/09/2018 Ten entrada no Rexistro Xeral da Xunta de Galicia, edificio administrativo de Ourense, a solicitude remitida polo Servizo de Montes de Ourense de autorización de actuación promovida polo propio Servizo.

A actuación consiste no alleamento de madeira no Monte Grande II (Bande).

- 2 Consta no expediente o informe do arqueólogo do Servizo do Patrimonio Cultural, emitido o 18/10/2018.

CONSIDERACIÓNS LEGAIS E TÉCNICAS

1. É de aplicación na tramitación e resolución do expediente o disposto nas seguintes disposicións normativas:
 - Lei 39/2015, do 1 de outubro, do procedemento administrativo común das administracións públicas (BOE núm. 236, do 02.10.2015).
 - Lei 5/2016, do 4 de maio, do patrimonio cultural de Galicia (DOG núm. 92, do 16.05.2016) (LPCG).
 - Decreto 199/1997, do 10 de xullo, polo que se regula a actividade arqueolóxica na Comunidade Autónoma de Galicia (DOG núm. 150, do 06.08.1997; corrección de erros DOG núm. 213, do 04.11.1997)
 - Decreto 93/2017, do 14 de setembro, polo que se regula a composición e funcionamento dos consellos territoriais de Patrimonio Cultural de Galicia, do Consello Asesor dos Camiños de Santiago e da Comisión Técnica de Arqueoloxía.
 - As demais normas de aplicación, nomeadamente a lexislación vixente sobre o réxime do solo e a ordenación urbana en relación coa protección e a conservación do patrimonio cultural.
2. A actuación para a que se solicita autorización sitúase nas proximidades dos seguintes xacementos arqueolóxicos.





- GA32006018 Mámoa da Fonte Santa 1.
- GA32006019 Mámoa da Fonte Santa 2.
- GA32006020 Mámoa da Fonte Santa 3.
- GA32006022 Mámoa da Fonte Santa 4.
- GA32006023 Mámoa da Fonte Santa 5.

Bens integrantes do catálogo do Patrimonio Cultural de Galicia, segundo o artigo 30 da LPCG, ao estar incluídos no Plan Básico Autonómico de Galicia (DOG nº 162, do 27.08.2018).

3. Segundo o disposto no artigo 39 da LPCG, as intervencións que se pretendan realizar en bens de interese cultural ou catalogados, así como, de ser o caso, no seu contorno de protección ou na súa zona de amortecemento, terán que ser autorizadas pola consellería competente en materia de patrimonio cultural, coas excepcións que se establecen nesta lei.
4. Segundo o artigo 45 da LPCG as intervencións que se realicen no contorno de protección dos bens declarados de interese cultural e catalogados deberán contar coa autorización da consellería competente en materia de patrimonio cultural cando teñan por obxecto:
 - a. Novas construcións e instalacións de carácter definitivo ou provisional.
 - b. As intervencións de calquera tipo que se manifesten cara o espazo exterior público ou privado das edificacións existentes.
 - c. As actuacións que afecten a estrutura parcelaria, os elementos configuradores característicos da estrutura territorial tradicional, os espazos libres e a topografía característica do ámbito, incluídos os proxectos de urbanización.
 - d. A implantación ou os cambios de uso que poidan ter incidencia sobre a apreciación dos bens no territorio, incluídas as cortas e as repoboacións forestais.
 - e. As remocións de terras de calquera tipo no contorno de protección dos bens integrantes do patrimonio arqueolóxico.

As restantes intervencións no contorno de protección non necesitarán autorización previa ao outorgamento da licenza, ben que deberán ser coherentes cos valores xerais do contorno.

5. Tense en conta o informe do arqueólogo do Servizo de Patrimonio Cultural.
6. A/o xefe do Servizo de Coordinación da Área Cultural é competente para resolver o expediente segundo a Resolución do 19 de marzo de 2018, da Dirección Xeral do Patrimonio Cultural, pola que se delega nos titulares dos servizos de coordinación da área cultural das xefaturas territoriais o exercicio de determinadas competencias (DOG núm. 59, do 23.03.2018) e do Decreto 4/2013, do 10 de xaneiro, polo que se establece a estrutura orgánica da Consellería de Cultura, Educación e Ordenación Universitaria (DOG núm. 13, do 18.01.2013).
7. De acordo co artigo 12 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, as competencias atribuídas á persoa titular do Servizo de Coordinación da Área Cultural, tanto con carácter orixinario como por delegación, serán exercidas por suplencia polo xefe do Servizo de Patrimonio Cultural.





De acordo con todo o indicado, RESOLVO:

Autorizar a execución do proxecto de “**Alleamento de madeira no Monte Grande II**” (Bande), co cumprimento das seguintes cautelas na execución dos traballos:

- Previamente ó inicio das obras se debe incluír na cartografía de obra os xacementos existentes nos montes obxecto do proxecto, non só a necrópole referida senón o resto de necrópoles coñecidas e inventariadas como as Mámoas de Penamá e as Mámoas das Terras Brancas.
- Co obxecto de salvagardar a integridade dos xacementos, deberá realizarse un balizado, por parte dun arqueólogo, con estacas de madeira e cinta de obra. Na zona de protección integral dos xacementos e nun área mínima de respecto de 25 m de diámetro medido dende o exterior dos túmulos, estará vedado o tránsito de maquinaria e a acumulación de acopios ou madeira.
- Finalmente, o arqueólogo deberá rexistrar, nun informe final, o cumprimento destas cautelas. Dito informe se remitirá a estes servizos técnicos de patrimonio cultural na delegación provincial da Consellería de Cultura e Turismo.

Contra esta resolución, que non pon fin á vía administrativa, poderá interpoñer un recurso de alzada ante a persoa titular da Secretaría Xeral de Cultura da Consellería de Cultura e Turismo, no prazo dun mes, contado dende o día seguinte ao da súa notificación de acordo co disposto nos artigos 30, 121 e 122 da Lei 39/2015, do 1 de outubro, do procedemento administrativo común das administracións públicas (BOE núm. 236, do 02.10.2015) e co artigo 26.3c da Lei 16/2010, do 17 de decembro, de organización e funcionamento da Administración Xeral e do sector público autonómico de Galicia.

O que se notifica en cumprimento e para os efectos do artigo 40 da citada Lei 39/2015, do 1 de outubro.

Ourense,
A directora xeral de Patrimonio Cultural
P.D. Resolución do 19.03.2018 (DOG núm. 59 do 23.03.2018)
A/o xefe do Servizo de Coordinación da Área Cultural
P.S., o xefe do Servizo de Patrimonio Cultural
Alfredo Seara Carballo
(asinado dixitalmente)

